



Hans Enoksen, Parti Naleraq
Inatsisartut

Palasit pillugit § 37 naapertorlugu apeqqutip (2019-168) akineqarneranut tunngasoq

25-04-2019
Suliap nr. 2019 - 9564
Allakkat nr. 10577475

Postboks 1029
3900 Nuuk
Oqarasuaat: : +299 34 50 00
Email: ikiin@nanoq.gl
www.nanoq.gl

Asasara Hans Enoksen,

Inatsisartut suleriaasiat naapertorlugu apeqqutinnut qujanaq. Apeqqutigineqartut tullinnguuttuni akissuteqarfigissavakka.

1. Ukiumut qassit palasinngorniat naammassisarpat?

Akissut: Ilisimatusarfimmi palasinngorniarnermik naammassinnittartut amerlassusaat allanngorarpoq. 2001-imi Palasitut Ilisimatusarfik pilersinneqarmalli ilinniartut ilinniarnermik naammassinnittut qassiunerat tabelimi tullinnguuttumi takutinneqarput.

2001	2002	2003	2004	2005	2006	2007	2008	2009
2	0	0	1	3	0	4	2	0

2010	2011	2012	2013	2014	2015	2016	2017	2018
2	3	2	3	2	2	4	1	2

2. Kalaallit Nunaanni palasinngorniat qassit (Teologi) naammassimavaat?

Akissut: Naalakkersuisut apeqqutigineqartoq imatut paasivaat; matumani Palasinngorniartut Ilisimatusarfimmi atuartut qassit naammassinnissimanersut apeqqutigineqartoq, tassungalu atatillugu nalunaarutigineqarsinnaavoq 33-it Palasinngorniarneq 2001-imi pilersinneqarmalli naammassinnissimmata.

3. Kalaallit Nunaata sineriaani palasitut atorfiit qassit inuttaqanngillat inuttas-sarsiunneqarpallu?

Akissut: Massakkorpiaq Palaseqarfik Upernavik, Palaseqarfik Ittoqqortoormiit kiisalu Palaseqarfik Tasiilaq palasimik ataatsimik amigaaqarput.

4. Kalaallit Nunaanni palasinngorniarsimallutik ilinniakkaminnik naammassinnissimasut palasinngorumallutik qassit qinnuteqarsimappat?

Akissut: Naalackersuisut apeqqutigineqartoq imatut paasivaat; Palasitut atorfinnut inuttaqanngitsunut qinnuteqartut qassit palasitut ilinniarsimanersut, tamatumani Kalaallit Nunaanni ilagiit sulisussarsiornerminni atorfinnut tamanut atuuttuunersoq paaserusunneqarluni. Tassungalu Naalackersuisut paasissutissiissutigissavaat qinnuteqartut sumik ilinniagaqarsimanersut pillugit naatsorsueqqissaartoqarneq ajormat, taamaammallu apeqqutigineqartoq akineqarsinnaanngimmat.

5. Palasitut ilinniartutik naammassinnissimasut qanoq sunalu atorfinitsitseriaaseq atorlugu ingerlanneqartarpa?

Akissut: Palasitut atorfinnut inuttaqanngitsunut qinnuteqartut qinnuteqaatit Biskopeqarfimmut nassiuttussaavaat, tamatumalu kingorna qinnuteqaatit ilagiit sinniisoqarfiinut pineqartunut nassiunneqartarput. Kingornagut Biskopi ilisimatitsiffiusumik ataatsimiinnissamat aggersaassaaq. Ilisimatitsisoqareerpallu ilagiit sinniisaat oqaaseqaatit Biskop-imut nassiutissavaat. Kingornagut Biskopip nammineq inassutigisani ilagiillu sinniisaasa oqaaseqaataat naalackersuisoqarfimmut akisussaasumut nassiutissavai, tamatumalu kingorna atorfiup inuttalernissaa pillugu aalajangiisoqarluni.

Naalackersuisut innersuussutigissavaat palasinik atorfinitsitsisarnermut periutsit sukumiisumik nassuiaaffiginerat ilageeqarneq pillugu Inatsisartut inatsisaanni nr. 9, 19. maj 2010-meersumi, kingullermik ilageeqarneq pillugu Inatsisartut inatsisaata allanngortinneqarnera pillugu Inatsisartut inatsisaatigut nr. 27, 3. december 2018-imeersutigut allanngortinneqartumi nassaarinqarsinnaavoq.

6. Naalackersuisut inuiaqatigiit kalaallit anersaakkut nukittorsarneqarnissaat qanoq pilersaaruteqarfigaat?

Akissut: Naalackersuisut illoqarfiit ataasiakkaat palasinik sullinneqanngimmata ilisimavaat, soorluttaarlu organistinik amigaateqartoqarmat ilisimallugu, tamatumalu aamma palaseqarfimmut pineqartunut sunniuteqartarnera kiisalu palaseqarfinni allani palasinut artukkiinerusarmat ilisimallugu.

Tamanna allanngortinniarlugu Naalackersuisut Biskopeqarfiullu suleqatigiinnerisigut akuttunngitsumik palasinngorniarnep Danmarkimi ingerlannagu Kalaallit Nunaanni ingerlanneqarsinnaanera neqeroorutigineqartarpoq. Naalackersuisut neriuutigaat tamanna ilinniartut ilinnikkaminnik naammassinnereerlutik palasitut sulinissaminnut kissaateqalernerannik kinguneqarumaartoq. Taamatutaaq Biskopeqarfik organistinut ilinniagaqarnersiuteqartitsinissamik suliaqarsimapput amerlanernik qinnuteqartoqarsinnaanissaa neriuutigalugu.

Tamanna suliniutit ilaagiinnarpaat ilagiinni atugarineqartut pitsaanerulernissaat qulakkeerniarlugu.

Ilageeqarnerup tungaatigut unammilligassaqarmat Naalackersuisut ilisimalluarpaat, matumanilu Kalaallit Nunaanni ilagiit sulinissaminni pitsaanerpaanik tunngavissaqarnissaat qulakkeerniarlugu Kalaallit Nunaanni ilagiinnik suleqateqarnissaq ingerlanniarnaqartoqartuarpoq.

7. Inuttassarsiuussinermi palasit ilinniarsimasut qinnuteqaaraangata sooq palasit atorfinitinneqarneq ajorpat?

Akissut: Palaseqarfinni sumiikkaluartuni palasimik atorfinititsinissaq itigartitsissutigineqareerneq ajorpoq. Palasi malittarisassat atuuttut malillugit sumiiffimmi ilagiit sinniisaannit aggersarneqassaaq biskopimiillu inassutigineqarluni. Tamatuma kingorna pineqartoq Naalakkersuisut atorfinitissavaat.

Naalakkersuisut tamatuma saniatigut nalunaarutigissavaat palasit ilinniarsimaneq kisiat aqquutigalugu palasit atorfinitisoqarneq ajorpat. Palasinngorniarneq naammassineqareerpat Pastorseminariumimut qinnuteqartoqarsinnaavoq, palasitullu qinnuteqassagaanni tassani pikkorissarnissaq pisariaqarpoq, sulili palasinngortoqarnani.

Ileqquuvoq atsaat palasinngortoqartarnera palaseqarfimmi ilagiit sinniisaannit aggersarneqaraanni, palasit soraarummeersimagaanni tamatumalu kingorna ivertinneqarluni. Atorfinitinneqarnissamut piunasaqaatit tamakku ilaatigut ilagiit pillugit inatsimmi § 26d-mi atuarneqarsinnaapput:

"kinaluunniit Kalaallit Nunaanni ilagiinni palasit atorfinitinneqartoq biskoppimit soraarummeersinneqarsimassaaq, ivertinneqarsimassaaq, ilagiinnut palasit neriorsuisimassaaq biskoppillu uppersaasigaanik palasit sulisinnaanngortitaasimassalluni."

Piunasaqaatit taakku inatsimmi §§ 26a-26c-mi atorfinititsinermi piunasaqaatinut palasimik atorfinititsinermi ilassutitut isigineqassapput. Tamanna aalajangersakkanut eqqaaneqartunut nassuiaatini ersarissumik allaqqavoq.

Biskopeqarfiup ukiuni kingullerni qulini palasit (Pastorseminariumimik naammassinnissimasut) qinnuteqartuarsimagaluarlutik atorfinitinneqarsimangitsut ikittuunnaat eqqaamasaqarfigai. Pisuni taakkunani immikkuullarittuni ilagiit sinniisaasa qinnuteqartut allattugaatiminni salliutittanngilaat, inassuteqaateqarniarluni ataatsimiinnerni taaneqarsimassappata.

Qinnuteqartut ikittuaraannaat (palasit Pastorseminariumimik naammassinnissimasut) oqaluttuarisaanermi palasit sulilersinneqarneq ajorsimammata apequtigineqartumut akissutigineqarsinnaavoq, tamannalu ilaagiit sinniisaasa pineqartumik atorfinititsiumanginnerisigut aalajangerneqareertarpoq.

Inussiarnersumik inuulluaqqusillunga
Med venlig hilsen

Ane Lone Bagger